

թիւնը: Եւ ահա, փետր. 20-ին, Երեւանն ևս դարձաւ թատերաւայր յուզումնալից դէպքերի: Ժամը 3-ին, առանց մի պատճառի, սկսեց տաք հրացանաձգութիւն հայերի և թուրքերի միջև, որ տեւեց մինչև երեկոյեան ժամը 7-ը և շարունակեց յաջորդ օր առաւօտեան էլ: Միայն երկու կողմերի ներկայացուցիչների պաղարիւնութեան և Արամի ու Դրօի ջանքերի շնորհիւ կարելի եղաւ փրկել քաղաքը անդարմանելի աղէտից. փետր. 21-ին նահանգի զօրքերի հրամանատար Փիրումեանի նախազահութեամբ դումարեց երկու ազգի ներկայացուցիչներից և քաղաքի ու զօրամասերի պատգամաւորներին մի ժողով, որը միաձայնութեամբ որոշեց քաղաքը յայտարարել պատերազմական դրութեան մէջ, կազմել ռազմա-յեղափոխական դատարան քաղաքացիների և զինուորների համար առանձին-առանձին, բանալ ճանապարհները՝ ապահովելու համար զօրամասերի մեկնումը ռազմաճակատ և այլն: Նիստի վերջին, Մահմետ. Աղզ. Խորհուրդը պաշտօնապէս յայտարարեց, որ ինքը անկարող է զսպել թուրքերին նահանգի մի քանի մասերում և խնդրում է հայ զինուորական մասերի աջակցութիւնը: Վճռեց, զինուորական մասեր փոխադրելիս, հետները ուղարկել մահմետական պատուիրակներ՝ համոզելու համար թուրքերին, որ բանան ճանապարհները, և միայն չենթարկելու դէպքում դործադրել դէնքի ոյժ:

Այս առթիւ, հայ և թուրք ներկայացուցիչները միասին, հեռագրեցին Անդրկ. Կոմիսարիատին, թէ —

Երեւանի նահանգի դէպքերի համար հայ և մահմետական ազգային խորհուրդներն ու պատասխանատու դործիչները խորհրդակցութիւն դումարեցին և միաձայնութեամբ որոշեցին ձեռք առնել ամէն միջոց՝ վերջացնելու համար անկարգութիւնները: Խորհրդակցութեան մասնակցում էին Արամը, նահանգային կոմիսար Սահակ Թորոսեանը, նահանգային դործադիր կոմիտէի նախազահը, Երեւանի քաղաքապետ թ. Թոշեանը, նահանգային արտուղ Կաղիւնը, Միրզա Հիւսէյին Չաղէն, Սէյիդ Քեազումովը, Միրզա Ալաքպէր Ախունդ զաղէն, Երեւանի մահմ. աղզ. ժողովի անդամներ Աղաբաբէզովը, Միր Սալըկովը, Ֆիզուլլաբէզովը: Կողմերը համաձայնեցին՝ թուրքերը՝ բանալ ճանապարհները, Երեւան—Ձուլֆա երկաթուղին, իսկ հայերը խոստացան՝ վերջ տալ զօրամասերի դործողութիւններին:

Քաղաքի համաձայնութիւնը, սակայն, ո՛չ մի նշանակութիւն չունէր դաւառի համար: Այնտեղ դէպքերը ընթանում էին իրենց ճանապարհով. թուրքերի սանձարձակութիւնները օր օրի վրա սաստկանում էին: Անհրաժեշտ էր ձեռք առնել վճռական միջոցներ: Արամը, զօր. Սիլիկեանը, զօր. Փիրումեանը և Դրօն խորհրդակցութիւն արին և որոշեցին, օրինակ տալու համար, պատժել Ուլուխանլուն և բանալ երկաթուղային հաղորդակցութիւնը: Խորհրդակցութեան միջոցին լուր ստացեց, որ Կողբը պաշարած է, Դաշբուռունի վիճակը շատ ծանր է, և Իգդիրի Աղզ. Խորհուրդը օգնութիւն է խնդրում:

Յաջորդ օր, փետրուար 22-ի առաւօտեան, ճրդ և պարտիզանական զնդերից մի-մի գումարտակ և 2 թնդանօթ Կլիչի մարտկոցից շարժեցին դէպի Ուլուխանլու և զիրքեր բռնեցին գիւղի մօտ: Արամի առաջարկու-